

**Bosna i Hercegovina**  
**-Federacija Bosne i Hercegovine-**  
**TUZLANSKI KANTON**  
**Skupština**  
**-Služba Skupštine-**

**Broj: 02-11-389-9/26**

**Datum: 07.08.2026. godine**

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", br: 39/14, 59/22 i 50/24), i preporuke Komisije za provođenje konkurentskog postupka javne nabavke roba – goriva - dizel i Ad Blue za putnička motorna vozila Skupštine Tuzlanskog kantona na period od 16 mjeseci (od septembra 2026. godine do 31.12.2027. godine), date u Zapisniku o ocjeni ponuda broj: 02-11-389-8/26 od 07.08.2026. godine, sekretar Skupštine Tuzlanskog kantona donosi

**O D L U K U**  
**o izboru najpovoljnijeg ponuđača**

**I.**

Prihvata se preporuka Komisije za provođenje konkurentskog postupka javne nabavke roba - goriva - dizel i Ad Blue za putnička motorna vozila Skupštine Tuzlanskog kantona na period od 16 mjeseci (od septembra 2026. godine do 31.12.2027. godine), date u Zapisniku o ocjeni ponuda, broj: 02-11-389-8/26 od 07.08.2026. godine, te će se okvirni sporazum na period od 16 mjeseci (od septembra 2026. godine do 31.12.2027. godine), zaključiti sa ponuđačem Hifa-Petrol d.o.o. Sarajevo, koji je dostavio potpunu, tehnički zadovoljavajuću i prihvatljivu ponudu broj: JN-2734/26 od 23.07.2026. godine, zaprimljenu pod brojem 02-11-389-5/26 od 05.08.2026. godine, sa cijenom od 17.210,00 KM bez PDV.

**II.**

Okvirni sporazum o javnoj nabavci dostavit će se na potpis izabranom ponuđaču Hifa-Petrol d.o.o. Sarajevo u roku od 10 dana, računajući od dana prijema ove odluke od strane izabranog ponuđača.

Izabrani ponuđač je dužan u roku od 5 dana od dana prijema ove odluke dostaviti dokumente zahtijevane tenderskom dokumentacijom iz članova 45. i 47. Zakona o javnim nabavkama, a u slučaju da izabrani ponuđač propusti u određenom roku dostaviti tražene dokumente, ovaj postupak javne nabavke biti će poništen.

**III.**

Ova odluka stupa na snagu danom donošenja i objavit će se na internet stranici Skupštine Tuzlanskog kantona, te dostaviti ponuđačima koji su učestvovali u postupku javne nabavke.

**IV.**

Sastavni dio ove odluke je Zapisnik o ocjeni ponuda broj: 02-11-389-8/26 od 07.08.2026. godine.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-389-1/26 od 23.07.2026. godine, putem konkurentskog zahtjeva javne nabavke, a procijenjena vrijednost javne nabavke je 17.948,70 KM bez PDV.

Obavještenje o nabavci broj: 1062-7-1-79-3-4/26 od 23.07.2026. godine u 12:40 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu okvirnog sporazuma shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tendersku dokumentaciju ponuđači su mogli preuzeti samo putem Portala javnih nabavki.

Komisija za provođenje konkurentskog postupka javne nabavke roba - goriva - dizel i Ad Blue za putnička motorna vozila Skupštine Tuzlanskog kantona na period od 16 mjeseci (od septembra 2026. godine do 31.12.2027. godine), imenovana Rješenjem broj: 02-11-389-2/26 od 23.07.2026. godine, je dana 06.08.2026. godine u 10,30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, koji je dostavljen ponuđačima koji su dostavili ponude.

Nakon otvaranja ponuda Komisija je izvršila pregled i ocjenu ponuda, te sačinila Zapisnik o ocjeni ponuda broj: 02-11-389-8/26 od 07.08.2026. godine, koji je dostavljen ponuđačima koji su dostavili ponude.

Detaljnou analizom prispjelih ponuda Komisija je konstatovala sljedeće:

“1. Za ponudu ponuđača Holdina d.o.o. Sarajevo, Komisija je utvrdila da je nepravilna jer nije u skladu sa zahtjevima postavljenim u tenderskoj dokumentaciji.

Naime, u tenderskoj dokumentaciji za Konkurentski zahtjev za dostavljanje ponuda za nabavku roba – goriva - dizel i Ad Blue za putnička motorna vozila Skupštine Tuzlanskog kantona na period od 16 mjeseci (od septembra 2026. godine do 31.12.2027. godine), broj: 02-11-389-3/26 od 23.07.2026. godine, u tački III. c) Tehnička i profesionalna sposobnost – Uslovi vezano za tehničku i profesionalnu sposobnost, utvrđeno je da ponuđači u skladu sa članom 49. Zakona o javnim nabavkama moraju ispuniti minimalne uslove, koji između ostalog podrazumijevaju i dostavljanje Obrasca o promjeni cijena i marži u maloprodaji (OPC) izdato od strane Federalnog ministarstva trgovine, koji je važeći na dan objave Obavještenja o nabavci, i to za benzinske pumpe sa kojih će se vršiti isporuka.

U vezi sa navedenim, utvrđeno je da ponuđač Holdina d.o.o. Sarajevo nije u skladu sa zahtjevima traženim u tenderskoj dokumentaciji dostavio dokaze o ispunjavanju minimalnih uslova tehničke i profesionalne sposobnosti iz člana 49. Zakona o javnim nabavkama. Ponuđač Holdina d.o.o. Sarajevo u svojoj ponudi broj: 012/40005515/23-07-26/418 od 03.08.2026. godine, na stranici broj 63. ponude, naveo tri adrese benzinskih pumpi koje ima u vlasništvu i to:

- TUZLA CENTAR – KULINA BANA 7,
- TUZLA JUG – BOSNE SREBRENE 54 i
- TUZLA SOLANA – 18. HRVATSKE BRIGADE BB,

a na stranici broj 65. ponude, dostavio je samo jedan OPC, i to za benzinsku pumpu Tuzla Centar, lociranu na adresi Kulina Bana 7, dok za druge dvije benzinske pumpe koje ima u vlasništvu (Tuzla Jug – Bosne Srebrene 54 i Tuzla Solana – 18. Hrvatske brigade) OPC nije dostavljen.

Shodno navedenom, a u vezi sa članom 68. stav (1) i stav (4) tačka i) Zakona o javnim nabavkama, Komisija je konstatovala da navedena ponuda nije potpuna i ne ispunjava zahtjeve iz tenderske dokumentacije, jer nisu dostavljeni svi traženi dokazi o tehničkoj i profesionalnoj sposobnosti, te se ista odbacuje kao nepravilna.

2. Za ponudu ponuđača Hifa-Petrol d.o.o. Sarajevo, Komisija je utvrdila da je potpuna i tehnički zadovoljavajuća ponuda jer zadovoljava sve selekzione kriterije uspostavljene u tenderskoj dokumentaciji i ista je ocijenjena prihvatljivom.

Slijedom svega prethodno navedenog, Komisija preporučuje da se u ovom postupku javne nabavke Okvirni sporazum o nabavci goriva - dizel i Ad Blue za putnička motorna vozila Skupštine Tuzlanskog kantona na period od 16 mjeseci (od septembra 2026. godine do 31.12.2027. godine), zaključi sa ponuđačem Hifa-Petrol d.o.o. Sarajevo čija je ponuda ocijenjena prihvatljivom.“

U postupku ocjene provedenog postupka, nisu uočeni propusti niti nepravilnosti u radu koji bi eventualno bili osnov za neprihvatanje preporuke Komisije. Izbor najpovoljnijeg ponuđača je izvršen u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

#### POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:  
1 x Hifa-Petrol d.o.o.  
1 x Holdina d.o.o.  
1 x Evidencija  
1 x a/a



Sekretar -a  
Skupštine Tuzlanskog kantona

Sabina Ahmić